

Այս մօտ օրերս Գէրբէնը արժանացաւ մի հա-
յերէն ներկայացում տեսնելու. պ. Յակովբ Ա.
Գալատեանի յորդորանքով ու առաջնորդութեամբ
մի խումբ կազմակերպ և ղեկավարելի 21-ին ներկա-
յացան յօգուտ Մարիամեան օրիորդական դպրո-
ցին զառթարական և զօգական Պետրովիչ պիեսա-
ները: Հասարակութեան մեծ մասը ներկայ էր.
պէտք է ճշմարիտ խոստովանել, որ Գէրբէնը
չափ քիչ անգամ էր այսպիսի յանդի ներկայացում
տեսած. ներկայ կողմ ռուսներին անգամ նա շատ
քաղցր տպագորութիւն է տրել, իսկ հայերի բն-
քանից դեռ մինչև այսօր համը չէ գնացել: Մեծ
գովութեան և շնորհակալութեան արժանի են
տիկին Սառաճեանց, տիկին իշխանեանց, Որ.
Նունէ Մաղաթեանց, Սառաճեան երկու օրիորդ-
ները, օր. Նիկոլայէթ Գրիգորեանց, պարոն Անտոն
Մեկը Գաղաթեանց, պ. Գասպար Ամիրեան, Ար-
շակ Շահնազարեանց, Անանիա Եղաւթեանց և
այլք առհասարակ, որոնք շատ ընտիր խաղաղցին
իրենց գերբը: Ներկայացումից զուրացած զուտ
այդդինքը 100 բուրլի 50 կօպէկ է:

Յուսով ենք որ սիրողների այս խումբը հասա-
րակութեան ղեկի թափածը ունեցած համակրու-
թիւնը տեսնելով, չի զրանայ մի քանի անգամ
ներկայացումներ տալու և կաշխատէ հայկական
բնմի հիմքը դնելու մի առանձին յարմար տեղ:
Այնպէս որ ժողովրդեան ամեն դասակարգին մեր
ձեռնալի լինի: Այն ժամանակ կարծեմ մեծ զարկ
տուած կը լինի ժողովրդի ընտանեկան և հասա-
րական կրթութիւն:

Գէրբէնը

ՆԱՄԱԿ ԵՈՒՇՈՒՅ

24 յունվարի

Ներեցէք, պատեւելի ընթերցող, որ այս նոր
տարվայ սկզբում ինձանից փոխանակ ուրախ
լուրեր լսելու, պիտի ձեր գուրջը շարժեմ, պիտի
ձեզ ևս մեր մտատանջութեան կցորդ անեմ: Ամ-
բողջ Շուշին այժմ կատարեալ սղի մէջ է. Զէք
դտնի մի ընտանիք, որ այս վերջի ամիսներում
գրկված չը լինի իր մի քանի անմեղ երեխաներից
կամ սիրելիներից: Որ թաղով մարդ անցնում է
աղբի ու ողբի ձայն է լսվում, ամեն մի քայլի վրա
մարդ դադար է միայն հանդիպում, ամեն տեղ
միայն ծաղկի մասին են խօսում: Այնտանի թանգու-
թիւնը այժմ մոռացել ենք ու անփախելի ծաղկի
մասին ենք մտածում: Գուցէ ընթերցող կը մտա-
բերէ անցյալ տարվայ մեր քաղաքի էլի սաստիկ
հիւանդութիւնը՝ կարմուկը և կը հարցնէ ինչու
մեր քաղաքում միշտ տիրում են չարուհակ այսպի-
սի հիւանդութիւններ: Ահա ինչու. Նախ՝ տները
միմեանց վրա այնպէս սուղ դարսված են, որ ո՛ր
թէ միայն նրանց մէջ իստակ օդ չէ խաղում,
այլ միջի եղած աղակալված և խեղդող ամիս
ձինն անգամ տեղ չունի զուրս գալու և այդ բա-
ւական չէ, մենք էլ արդէն օգուտտօսից ենք ըսկը
սում պատճառների ճեղքերը և ծակուծուկը
ամրացնել, Գեռ փառք Աստուծոյ, որ քաղաքի մի
մասը (հարուստները) բուխարի են վառում, որը
գոնէ, թէ և քիչ էլի փոխում է սենեակի օդը, բայց
երեւակայեցէք, որ այդ բուխարի վառողները
թիւր շատ անշնչն են, իսկ մեծամասնութիւնը բա-
նացնում է երկաթեայ վառարան և ածուխ, որը
առողջներին էլ կարող է մի օրվայ մէջ միւս աշ-
խարհը ճանապարհել: Երկրորդ՝ փողոցների նեղու-
թիւնը և անմարդկութիւնը, առաւել ևս թուրքերի
թաղում, ուր կաշիքի է ասել, որ դեռ Բանաստեղծի
ժամանակվանից մնում է, կարծես, դրանց համար
մի հնութիւն է. Զատէք թէ՛ մեր քաղաքում էր
կայ ոստիկանութիւն կամ կառավարիչ, բայց ինչ
արած, որ նրանք ոչինչ չեն կարող անել մինչև
հասարակութիւնը չօգնէ և չը կատարէ նրանց
կարգադրութիւնները: Երբ մի ժողովուրդ ինքն չէ
զգում, չէ ճանաչում և վերջապէս չէ ցանկանում
հասկանալ և իմանալ իր օգուտները, պէտքերը,
ինչ ան է պատեղ ոստիկանութիւնը: Շուշեցոց
կարծիքով, քնութեան դէմ, ճակատագրի դէմ չէ
կարելի կուսել, Նրանց կարծիքով, Աստուած դիտ-
մամբ է ուղարկում այս ցուրրը և պատճառները
իրենց պատճառը նպատակաւ, և ուրեմն դրա դէմ
ոչինչ չէ կարելի անել, պէտք է թողնել ճակատա-
գրի կամքին, ինչ նրա համար գրված է, այն էլ
պիտի կատարվի: Եթէ մէկը ցանկանում է տես-
նել և լսել նախ սպաւորմունքներ ու մտախառնա-
նութիւններ, թող մի քանի օրով չնորձ բերէ մեր
պատական Շուշի:

Մարդիկ վերաբերեալ մի քանի նախապաշար-
մունքներ ևս կը պատմեմ ձեզ և ձեր հետաքրք-
րութիւնը մասամբ կը լցուցանեմ: Մտալի ընկնող-

ները, որոնց տարութիւնը չափազանց է լինում,
սկզբում ուշաթիպ են լինում և եթէ իսկոյն բժշկի
է հասնում կամ նրա խորհուրդները չեն լսում,
հէնց շատերը այն ժամանակն են հոգին առնա-
ղում: Պառաւնների խօսքով այս ուշաթիպ լինելը
նշանակում է, որ ծաղիկ մանածողը նրա հետ խօ-
սում է և բաժին է տալիս: Այդ ժամանակը պէտք
է բոլորը միաձայն ասեն. եւրախ ծաղիկ ընի՛ր և
ամեն մի խօսքի մէջ պէտք է կրկնեն մինչև ծա-
ղիկը տանից զուրս գալը: Եւրիստի՛նաւ մտա-
լա, ուրիստի՛նաւ էլ զուրս գայ: Պէտք է եր-
կու ձու հողի մի գաւաթի մէջ դնեն և հիւանդի
անկողնի տակ պահեն, եթէ չար ոտը գալու լինի,
այն ձուանքը իսկոյն պէտք է կտրեն: Հիւանդի
բարձի տակ ամենայն մարդ իր կարողութեան
համեմատ պէտք է զնի գեղեցիկ ծաղիկաւոր չիթ
և փող, որ հիւանդը առողջանալուց բաժանէ
աղքատներին: Ամենայն դիւրն պէտք է ձէթից
լոյս վառել, իսկ ով ցանկանայ կարող է աւելորդ
և մոմ վառել, իսկ ձէթը դարձեալ անհրաժեշտ է:
Նորապսակներին և երկուստարդներին բոլորովին
անկարելի է հիւանդին այցելել... բժիշկը ան-
կարող է այդ ցաւին օգնել կամ թեթևացնել և
մինչև անգամ անկարելի է այդ հիւանդութեան
մասին նրանից խորհուրդներ հարցնել: Հիւանդի
չորերը և անկողինը անկարելի է փոխել մինչև
լաւանալը, երեսը և ձուները նոյնպէս անկարելի
է լաւանալ: Հիւանդի մայրը ու տատը կամ մօտ
ազգականը պէտք է ամեն օր եկեղեցի գնայ, հի-
ւանդի համար աղօթէ, մոմ վառէ և խաչի կոճակի
ջրից բերի ու հիւանդին խմացնի, ահա այսօրինակ
հազարաւոր նախապաշարմունքներն են պատճառ
որ տասը հիւանդից երեքը չեն առողջանում,
Համարձակ կարելի է ասել, որ այս հիւանդների
մեծ մասը այդ պատճառներին են զո՛ւ գնում:

Եկեղեցուց սառը ջուրը բերում են և հիւանդին
ստիպմամբ խմացնում, հիւանդութիւնը կրկնա-
պատկում է և յետոյ գանգատվում են թէ խաչը
չօգնեց: Սաստիկ տարութեան ժամանակն էլ աւելի
են սենեակը տաքացնում և հիւանդին պիտի ծած-
կում ու տաքութիւնը 40 հասցնում և յետոյ յու-
յուսանալով ճանաչում թէ՛ ձէթի ճրագը չօգ-
նեց, չը փրկեց: Սենեակը պիտի ամրացնում են և
չեն թողնում կեղտոտ ու վարակված օդը փոխի:
Միւսներին էլ են վարակում, հիւանդացնում, ու
յետոյ ասում՝ ամե՛կ նման մեղաւորին դա՛նքը ի՞նչ
Աստուծ կը լսի, վարդապետն էլ թառավայ,
էնքան դանչանքն ըն անըմ, մին թափուր չըն գա-
լիս, թա բալքամ Աստուծ ուրան զորմութիւնը
հասցնի էս զօռը ցաւան պրճննը, աղաւ-
միւնը:

Կարող եմ հաւատացնել ձեզ, իմ համբաղա-
քացիներ, որ ոչ թափուրը մեզ կօղնէ և ոչ ձէթն
ու ջուրը, և թէ մենք ինչպէս կարգն է, այսպէս
մտիկ չը տանք մեր հիւանդներին ու չը լսենք բիշկի-
ներին: Մենք մեր ձեռքը սպանում ենք մեր հի-
ւանդներին և յետոյ ասում ենք թէ մեր աղօթքը
չը լսեց: Ինչ էք կարծում, եթէ թափուր լինէին
զուրս եկած և մի չորս կամ հինգ ժամ գլուխներս
բաց այսպիսի ցուրտ եղանակում ձիւնի մէջ աղ-
թե՛նք, ծաղկը կամ միւս հիւանդութիւնները կը
դադարէին թէ՛ կեանքատեղիէն: Միթէ այնպէս
էք կարծում թէ մենք այն ջերմեանդութիւնը
ունենք, որ ամեն մեր ուզածը Աստուած անյա-
պաղ կը լսէ: Բաւական է, որքան մնացինք Ֆա-
նատիկոս և տգէտ, կարծեմ, ժամանակ
է ճանաչել Աստուծուն և երկրպագել նմա
ըստ արժանոյն: Քրիստոս մեզ լոյս և ճշմարտու-
թիւն քարոզեց և ոչ խաւար ու տղիտութիւն:
Հաւատացէ՛ք, որ այս մեր արարմունքով կրկին
ենք Քրիստոսին չարարում ու խաչում:

Ես աւելի մեղադրում եմ մեր քահանաներին,
որոնց պարտքն է թէ եկեղեցում թէ տներում
քարոզել և հակացնել ժողովրդին ամեն բան:
Նոյնքան էլ մեղադրում եմ և մեր քաղաքի բժիշկ-
ներին, որոնց սեպակ՝ պարտքն է այցելել աղ-
քատների տները, հարկաւոր խորհուրդներ տալ, աշ-
խատել հիւանդութիւնը քաղաքից արժատախիլ
անել, հրապարակական դատախօսութիւններ անել և
այլն: Ենթադրե՛ք թէ՛ հէնց ծաղիկ համար ճար
չը կայ, ինչպէս ասում են, բայց միթէ չէ կարելի
հիւանդութիւնը թեթևացնել, կամ միթէ չէ կա-
րելի առողջապահական խորհուրդներ տալ, որ ա-
ռողջն էլ չընկնէ ու իզուր տեղը փչանայ:

Արցախցի

ՆԵՐՔԻՆ ԼՈՒՐԻՆ

ԵՈՒՇՈՒՅ մեզ գրում են, որ ընթերցարանը
դեռ չէ բացվել, որովհետեւ այն առատ տուրքե-
րը, որ ստորագրեցին, դեռ ևս չեն վճարել:

Մեզ գրում են ԳԱՆՁԱԿԻՑ. «Անցեալ տարի
պ. Ա. Թ.—հանի ձեռքով ստորագրութիւն բաց-
վեց յօգուտ Վարդապետեան ընկերութեան: Մինչև
այժմ որ և է լրացրի մէջ չը յայտնվեց ոչ ժող-
ված գումարի որբանութիւնը և նրա ուր ուղար-
կելը:»

ԲԱԳՈՒԻՑ մեզ գրում են, որ այնտեղ եղա-
նակը շատ լաւ է. Զմեռվայ ընթացքում միայն
մի անգամ ձիւն եկաւ, մնացած օրերը սպրդ և
խաղաղ էին:

Մեզ հաղորդում են ԱՍԱԼՔԱԼԱՔԻՑ. «Պ. Հա-
զարապետով «Кавказъ» լրագրի № 16-ի մէջ
տպված Ախալքալաքի նամակի մէջ ասում է, որ
ալիւրի պուղը տպտեղ առաջին տեսակը 2 ր.
20 Կ. արժէ, իսկ երկրորդ տեսակը 1 ր. 60 Կ.:
Զը գիտենք պարտքը երբ է գրել այդ նամակը,
միայն հարկաւոր ենք համարում ասել, որ այդ
գները երեք ամիս առաջ են եղել, իսկ այժմ ցո-
րենի ալիւրը դուրս է ճարել և եղածն էլ 3
բուրլուց պակաս չէ կարելի գնել, իսկ դարու ա-
լիւրը 2 ր. 20 Կ. արժէ, Նոյն նամակում պ.
Հազարապետեան ասում է, որ մեր գաւառում
բաւականաչափ հացահատիկներ կան, բայց ինչ
օգուտ, երբ փողը ձեռքերիս մեջ օրերով ալիւր
չենք կարողանում գտնել, էլ չբաւորների մասին
աւելորդ է խօսել:»

Երեկ, յունվարի 31-ին ԹԻՖԼԻՍԻ Ամարային
թատրոնում հայ դերասանական մշտական խումբը
յօգուտ պ. Աւախանցի ներկայացրեց «Մայրաւը-
պան» հինգ գործողութիւններով և եօթը պատկեր-
ներով դրաման: Ներկայացման մասին կը գրենք
հետեւալ համարներից մէկում:

ԱՍԱԼՔԱԼԱՔԻՑ մեզ հաղորդում են, որ մի
քանի անձինք չըլկայ գիւղերում գաղտնապէս
ցորեն են գնում և գիշերներով փախցնում են Ա-
լեքսանդրապոլ կամ Ղարս:

Մեզ հաղորդում են ԳԱՆՁԱԿԻՑ, որ այնտեղ
առևտուրը ընկած է. Պաշարեղէնների գները ան-
համեմատ բարձր են: Ալիւրի պուղը 2 ր. 8 Կ.
մինչև 3 ր. արժէ, բրինձը նոյնպէս, հալած իւղը
16 ր., գարին 2 ր., սիմլիւրը 1 ր. 50 Կ., մսի
ֆունտը 10 Կ., ձուի հատը 3 Կ.:

Մեզ գրում են ԱՍԱԼՔԱԼԱՔԻՑ, որ բկացաւ
տարածվել և դուխաբօրների գիւղերում: Հի-
ւանդութեան ելքը բարեյաջող է լինում: Բաղդա-
նովկա գիւղում այդ ցաւին զոհվել են միայն չորս
երեխաներ:

ԳԱՆՁԱԿԻՑ մեզ հաղորդում են, որ ղեկեմ-
բերի 23-ին օրիորդաց ուսումնարանի աշակերտու-
հիք երգել են եկեղեցում: Գանձակում դա առա-
ջին անգամն է եղել և հասարակութեան վրա շատ
լաւ տպագորութիւն է գործել:

ԲԱԳՈՒԻՑ մեզ հաղորդում են, որ տեղական
թատրոնասէները պ. Ե. Արզումանեանի մասնակ-
ցութեամբ օրերում կը ներկայացնեն «Բուրդի խա-
ղաղողի կեանքը»: Արիողները մտադիր են բարե-
կենդաններին մի քանի ներկայացումներ տալ:

Մեզ հաղորդում են ԲՈՐԺՈՒՄԻՑ, որ յունվարի
23-ին մի 48 տարեկան մարդ հարած ժամանակ
կամեցել է տան երկրորդ յարկի սանդուղտներով
ներքն գնալ: Նրա ոտքը սլքվել է, չորս արշին
բարձրութենից գլխի վրա ընկել է սառած գետնի
վրա և մեռել:

ԱՍԱԼՔԱԼԱՔԻՑ մեզ հաղորդում են, որ զու-
խարոյնների մէջ մի հասարակական վճիռ է կա-
յացել, որ գորութեամբ արբեցողութեանը վերջ
պէտք է դրվի: Առհասարակ դուխաբօրները իրանց
հարսանիքների ժամանակ գործ էին ածում 20—40
թունգի արագ, իսկ այժմ սրուշված է միայն մի
թունգի գործ գնել:

Մեզ հաղորդում են ԲՈՐԺՈՒՄԻՑ, որ հողը կէս
արշին բարձրութեամբ ձիւնով է ծածկված: Հացի
պուղը 2 ր. 40 Կ. արժէ, գարին 2 ր., ձուի հա-
տը 3 Կ., մսի ֆունտը 12 Կ.:

Վրաց «Գիտէք» լրագրի հաղորդում է, որ
տեղային վարչութիւնը քննում է մորե-
խի ոչնչացնելու հարցը: Այդ հարցը քննելու հա-
մար նշանակված մասնագիտով յայտնել է, որ
մորեխի ոչնչացնելու համար հարկաւոր կը լինեն

5,700 բանւորներ 200 օրվայ ընթացքում: Այն
բանւորների վարձը պէտք է գանձարանը տայ, որ
պէտք է 30,000 ր. ծախսէ:

ԱՍԱԼՔԱԼԱՔԻՑ մեզ հաղորդում են, որ տե-
ղական հասարակութիւնը մտադիր է թողուու-
թիւն խնդրել քաղաքային գումարից 6000 բուրլ
ծախսել և այդ գումարով կարօտեալների համար
հաց բերել տալ:

ԱՐՏԱՔԻՆ ՏԵՍՈՒԹԻՒՆ

ԳԵՐԲԱՆԻՍ

Վերջին օրերս գերմանական հասարակու-
թեանի մի քանի նշանաւոր անձինք նամակով
գրմել էին կոմս Մօլտկէին, որպէս զի նա
ազգէ կայսրի վրա փոքրացնել գերմանական
բանակի թիւը: Կոմս Մօլտկէ այդ նամակին
հետեւալ պատասխանը տուեց. «Ո՞վ չէ՛ ան-
կեղծ սրտով ցանկանում տեսնել զինուորական
այն ծանր բեռի թեթեւանալը, որը Գեր-
մանիան, գտնվելով ամենահզօր հարեանների
մէջ, ստիպված է կրել իր ուսերի վրա. այս
ցանկութիւնը օտար չէ՛ ոչ կայսրերին, և ոչ
կառավարութիւններին. բայց սրանից աւելի
բաղդաւոր դրութիւն միայն այն ժամանակ
կարելի է սպասել, երբ բոլոր ազգութիւնները
կը հասնեն այն հասկացողութեանը, թէ ա-
մեն պատերազմ, եթէ մինչև անգամ նա յաղ-
թական էլ լինի, այնու ամենայնու նա ազ-
գին թշուառութիւն է պատճառում: Այս
հասկացողութիւնը կայսրի զօրութիւնն էլ
չէ կարող ներշնչել. դա կարող է միայն ա-
ռաջանալ ազգերի ամենալաւ կրօնական և
բարոյական դատախարակութենից, և դա կա-
րող է միայն արդիւնք լինել համաշխարհային
պատմական դարաւոր զարգացումից, մինչև
որը մեզինք ոչ մէկն էլ կենդանի չէ լինի:»

Բերլինից հաղորդում են «Köln. Zeit.» լը-
րագրին, որ իշխան Բիւմարկ Վարցենից վերա-
դարձաւ: Բերլին, և իջաւ պետական տեսնա-
զարի տանը:

Ասում են, որ երեւի պատահմամբ նա հե-
ռացաւ Բերլինից այն մի և նոյն օրը, երբ պ.
Ուրբի յանձնեց կայսրին իր վերադարձի հա-
ւատարմաթղթերը, և երբ պ. Սաբուրով հա-
սաւ Բերլին և իջաւ ռուսաց դեսպանատանը:
«Köln. Zeit.» լրագրի Բերլինի թղթակիցը
ասում է, որ Կերմանիայի Ռուսաստանի հետ
ունեցած պաշտօնական յարաբերութիւնները
լաւ են:

«ՄԵԱԿ» ՀԵՌԱԳԻՐՆԵՐ

ՄԻՋԱԶԳԱՅԻՆ ԸՆԿԵՐՈՒԹԵՆԵՑ

Ս. ՊԵՏԵՐԲՈՒՐԳ, 30 յունվարի: «Правит.
Вѣстн.» լրագրի հաղորդում է հետեւեալը.
Եունվարի 27—28 գիշերը Ս. Պետերբուրգի
պօլիցիան Վասիլէ՛յսկի կղզու տներից մէ-
կում գտաւ տպարանական մեքենաներ, շարած
տառեր, «Черный Переделъ» անունով մի
յեղատիպական լրագրի բաղմաթիւ տպած
համարներ, մի քանի պուղ տառեր, բնակու-
թեան կեղծ վկայաթղթեր և երեք բեզվիդեր-
ներ, որոնցից երկուքը լքցրած էին: Ծան մէջ
գտնվող անձինքը կալանաւորված են:
10-ի-08, 29 յունվարի (10 փետրվարի):
«Times» լրագրի հաղորդում է հետեւեալը.
Թէ հրանի բրիտանական դեսպանին գրված է
յայտնել պարսից կառավարութեանը, որ Ան-
գլիան ազատում է նրան 1857-ի դաշնա-
դրութեան պատաւորութենից, որի զօրու-
թեամբ արգելվում էր նրան զրաւել Հնդկաթը:
Ս. ՊԵՏԵՐԲՈՒՐԳ, 29 յունվարի: Հաստատ
աղբիւրները արդարաւորում է այն լուրը, որով
Սկօթլէ՛ն գլխաւոր հրամանատար է նշանակ-
վում բոլոր այն գօրծերի վրա, որոնք գտն-
վում են տէկիդներին դէմ մղված արշաւան-
քի մէջ: Սկօթլէ՛ն ուղեւորվում է այնտեղ
փետրվարի սկզբներում:

Խմբագիր—հրատարակող ԳՐԻԳՈՐ ԱՐՄԵՐՈՒՆԻ